

Na osnovu člana 5. stav (4) Uredbe o polaganju stručnog ispita u ustanovama predškolskog, osnovnog i srednjeg obrazovanja na području Tuzlanskog kantona ("Službene novine Tuzlanskog kantona" broj: 15/18, 10/20, 10/21 i 1/24), Pedagoški zavod Tuzlanskog kantona utvrđuje

KRITERIJE

za imenovanje mentora u postupku stažiranja kandidata u ustanovama predškolskog, osnovnog i srednjeg obrazovanja na području Tuzlanskog kantona u svrhu polaganja stručnog ispita za samostalan rad u obrazovanju

I

(1) Odgojno-obrazovna ustanova, nakon što zaključi odgovarajući ugovor kojim će se regulisati međusobna prava i obaveze u pogledu stažiranja, obavezna je kandidatu na stažiranju obezbijediti mentora odgovarajućeg profila za praćenje rada kandidata.

(2) Ukoliko u matičnoj odgojno-obrazovnoj ustanovi nema lica koje ispunjava uslove za imenovanje mentora propisane odredbom člana 5. stav (1) Uredbe o polaganju stručnog ispita u ustanovama predškolskog, osnovnog i srednjeg obrazovanja na području Tuzlanskog kantona ("Službene novine Tuzlanskog kantona" broj: 15/18, 10/20, 10/21 i 1/24, u daljem tekstu: Uredba), niti je imenovanje mentora moguće izvršiti u skladu sa stavom (2) navedenog člana Uredbe, za mentora može biti imenovan zaposlenik matične ili druge odgojno obrazovne ustanove sa položenim stručnim ispitom u obrazovanju, ukoliko su ispunjeni sljedeći kriteriji:

- a) da zaposlenik koji se imenuje za mentora ima stručni profil i stručnu spremu u skladu sa NPP-om za obavljanje poslova za koje se vrši stručno osposobljavanje kandidata,
- b) da ima najmanje tri godine radnog iskustva nakon položenog stručnog ispita za samostalan rad u obrazovanju, na poslovima za koje se vrši stručno osposobljavanje kandidata.

(3) Imenovanje mentora u skladu sa stavom (2) ove tačke može se izvršiti uz prethodno pribavljenu saglasnost Pedagoškog zavoda Tuzlanskog kantona.

II


(1) Zahtjev za saglasnost iz tačke I stav (3) ovih kriterija odgojno-obrazovna ustanova podnosi pisanim putem.

(2) Zahtjev iz stava (1) ove tačke mora sadržavati sve činjenice na osnovu kojih se može utvrditi da su ispunjeni svi uslovi i kriteriji za imenovanje mentora u skladu sa tačkom I stav (2) ovih kriterija.

III

Ovi kriteriji stupaju na snagu danom donošenja.

BOSNA I HERCEGOVINA
Federacija Bosne i Hercegovine
TUZLANSKI KANTON
PEDAGOŠKI ZAVOD
Broj: 291-36387/24
Tuzla, 19.02.2024. godine



v.d. direktora

Uzet Numanović
Uzet Numanović, prof